



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCLXXVIII. De similitudine Regni Cælorum cum Sagena.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

apud eundem Lucam. c. 6. v. 24. *Vae vobis divitibus quia habetis consolationem vestram.* Considera tamen ingens præstari à DEO Beneficium, quòd pretiosissimam Margaritam tam exiguo pretio vilium bonorum liberaliter & gratiosè vendat, atque etiam in hac vita tradat. Nam quamprimum deserimus perfectè omnia terrena, incipimus frui Cælestibus per libertatem, & quietem animi, & Solatia Cælestia; ut cum Apostolo etiam dicere quis possit: *Impletus sum Consolatione, superabundo Gaudio in omni tribulatione nostra.* 2. Cor. 7. v. 4.

## MEDITATIO CCLXXVIII

### *De similitudine Regni Cælorum*

*cum Sagena.*

Matth. 13. v. 47.

**P**UNCTUM I. *Iterum simile est Regnum Cælorum Sagena missa in mare, & ex omni genere piscium congregata.* Id est, simile quid contingit circa homines in Cælo immittendos, quod contingit circa pisces, qui Sagena congregantur. Tria itaque hac parabola indicantur, Mors, Judicium, & executio Sententiæ judicialis, decernentis vel Gaudia Regni Cælorum, vel Supplicia Inferni. Primo hoc puncto consideranda Mortem esse Sagenam, vel similem esse Sagena missam in mare vitæ præsentis, salis, & instar aquæ dilabentis, & ex omni genere piscium congreganti: Nam Statutum est hominibus semel mori; post hoc autem Judicium. Eccl. 9. v. 27. Cogita proinde, te hac Sagena cælesti comprehendum, & sicut ex Sagena aquæ dilabentis

fluunt, pisces autem remanent, & in littus efferuntur; ita vitam nostram, & omnia, quæ in hac vita habuimus, siue salsa, siue dulcia, dilapsura: Omnes morimur, & quasi aqua dilabimur in terram, quæ non revertuntur. 2. Reg. 14. v. 14. Quando autem Sagena in mare mittenda sit, Christus in parabola non indicavit; quia voluit, tempus nobis esse occultum, & incertum, ut ad mortem certam semper essemus parati.

PUNCT. II. *Quam, cum impleta esset, educentes, & secus litus sedentes, elegerunt bonos in vasa, malos autem foras miserunt. Sic erit in consummatione sæculi: Exibunt Angeli, & separabunt malos de medio iustorum.* Considera istam Electionem bonorum, & separationem malorum designare Sententiam infallibilem, & immutabilem, cujus Angeli erunt executores, quæ alijs dicitur: *Venite Benedicti; Alijs: Discedite à me maledicti.* Matth. 25. Cave ergo, ne inter bonos pisces, qui ad magnam & solidam Virtutis perfectionem in hoc vitæ mari, & in Religiosa Congregatione pervenerunt, & inter quos tanto tempore toleratus es, malus vel valde imperfectus inveniaris, forasque mittaris. Si enim in hac vita foras mitti, & à Societate Bonorum eijci horribile esset, quàm terribile foret eijci foras à Societate Electorum. Perfice nunc te ipsum, ut tunc eligaris ab Angelis in vasa, Regno Cælorum, & Bonorum piscium vivario inferendus. Non satis est, esse vocatum, sed electum.

PUNCT. III. *Et mittent eos in caminum ignis: ibi erit fletus & stridor dentium.* Attende: Non dicit: & mittent eos in mare, unde extracti sunt, ut adhuc crescant, & perficiantur: quidquid enim Perfectionis in hac vita non acquisieris, nunquam amplius acquires.

152 *Ab Octava SS. Corp. Christi usque ad Adventum.*

Dicit autem : *Ibi erit fletus*, quo deflebunt iacturam  
& pœnam damni; & *stridor dentium* præ dolore pœnæ  
sensûs. Utramque hanc pœnam opponit Regno Ca  
lorum, ita ut eo non obtento necesse sit illam incur  
ri. Igitur *Quodcunque facere potest manus tua, instanter  
operare : quia nec opus, nec ratio, nec sapientia, nec  
scientia erunt apud inferos, quò tu properas.* Eccl. 9. v. 10.

## MEDITATIO CCLXXXIII

*Christus in Patria exiguum fructum  
refert.*

Matth. 13. v. 54. Luc. 4. v. 16. Marc. 6. v. 1.

**P**UNCTUM I. *Et factum est, cum consummasset IESUS  
parabolas istas, transiit inde (ex domo Capharna  
conductâ, ubi Discipulis parabolas privatim exposu  
erat, teste Matth. c. 13. v. 36.) Et veniens in patriam  
suam (non in urbem Bethlehem, ubi natus fuerat  
sed in urbem Nazareth, ubi erat nutritus, teste Luc.  
c. 4. v. 16.) docebat eos in Synagogis eorum (nam ut  
quit S. Marcus. c. 6. v. 6. etiam Circuibat castella in  
cuius docens) ita ut mirarentur, & dicerent : unde huic  
sapientia hæc, & Virtutes ? Matth. 13. v. 53. Considera  
Christum initio Prædicationis prætergressum esse  
patriam, quia, ut scribit S. Matthæus c.  
v. 13. *Relicta civitate Nazareth venit, & habitavit  
Capharnaum maritimâ, in finibus Zabulon & Nephthalim  
ut adimpleretur, quod dictum est per Isaiam Prophetam  
9. v. 1. ) Terra Zabulon, & terra Nephthalim, via ma  
trans Jordanem, Galilæa gentium, populus, qui sedebat  
tenebris, vidit Lucem magnam : & sedentibus in regione**